



Međunarodni sud za krivično  
gonjenje osoba odgovornih za  
teška kršenja međunarodnog  
humanitarnog prava počinjena  
na teritoriji bivše Jugoslavije  
od 1991. godine

Predmet br. IT-05-88/2-PT  
Datum: 25. novembar 2009.  
Original: engleski

**PRED PRETRESNIM VIJEĆEM II**

**Rješava:** sudija Kimberly Prost, pretpretresni sudija

**Sekretar:** g. John Hocking

**Odluka od:** 25. novembra 2009.

**TUŽILAC**

**protiv**

**ZDRAVKA TOLIMIRA**

**JAVNO**

---

**ODLUKA PO ZAHTJEVIMA SADRŽANIM U  
PRETPRETRESNOM PODNESKU OPTUŽENOG**

---

**Tužilaštvo:**  
g. Peter McCloskey

**Optuženi:**  
Zdravko Tolimir

**JA, KIMBERLY PROST**, sudija Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud);

**RJEŠAVAJUĆI PO** "Podnesku Zdravka Tolimira sa Pretpretresnim podneskom u skladu s pravilom 65ter(F) i Obaveštenju o odbrani alibijem [u vezi s nekim optužbama]" (dalje u tekstu: Pretpretresni podnesak optuženog), podnesenom 30. septembra 2009. i zavedenom na javnoj osnovi 28. oktobra 2009., u kom optuženi traži odobrenje da prekorači ograničenje broja riječi (dalje u tekstu: Zahtjev);<sup>1</sup>

**IMAJUĆI U VIDU** da optuženi u svom Pretpretresnom podnesku iznosi nekoliko drugih zahtjeva, ali da oni potpuno izlaze iz okvira Pravilnika o postupku i dokazima (dalje u tekstu: Pravilnik);

**IMAJUĆI U VIDU** da je na statusnoj konferenciji 27. februara 2009., u vezi sa zahtjevom tužilaštva da prekorači ograničenje broja riječi u svom Pretpretresnom podnesku, optuženi naveo samo to da, ukoliko zahtjev tužilaštva bude odobren, njemu takođe treba odobriti da prekorači ograničenje broja riječi;<sup>2</sup>

**IMAJUĆI U VIDU** da je, u svojoj "Odluci po Zahtjevu tužilaštva u vezi s dužinom Pretpretresnog podneska" od 17. aprila 2009., Vijeće konstatovalo da će, uzimajući u obzir "prirodu ovog predmeta [...] detaljniji podnesak biti od pomoći i optuženom i Pretresnom vijeću", odobrilo zahtjev tužilaštva za prekoračenje ograničenja broja riječi i naznačilo da optuženi "isto tako može podnijeti zahtjev za prekoračenje broja riječi za svoj pretpretresni podnesak, koji će biti razmotren u povoljnom svjetlu";<sup>3</sup>

**UZIMAJUĆI U OBZIR** da bi, zbog toga, bilo u interesu pravde da se optuženom odobri prekoračenje ograničenja broja riječi;

---

<sup>1</sup> Pretpretresni podnesak optuženog, str. 2.

<sup>2</sup> T. 235 (27. februar 2009.).

<sup>3</sup> Odluka po Zahtjevu tužilaštva u vezi s dužinom Pretpretresnog podneska, 17. april 2009., str. 2.

NA OSNOVU pravila 54 Pravilnika;

OVIM ODOBRAVA Zahtjev;

Sastavljeno na engleskom i francuskom jeziku, pri čemu je engleska verzija mjerodavna.

/potpis na originalu/  
Kimberly Prost,  
predsjedavajuća i pretpretresni sudija

Dana 25. novembra 2009.  
U Haagu,  
Nizozemska

**[pečat Međunarodnog suda]**